

Headline	Pesakit buah pinggang kronik dapat rumah		
MediaTitle	Berita Minggu		
Date	21 Aug 2016	Language	Malay
Circulation	125,514	Readership	947,000
Section	Nasional	Page No	17
ArticleSize	338 cm ²	Journalist	N/A
PR Value	RM 34,821		



Pesakit buah pinggang kronik dapat rumah



[FOTO AZHAR RAMLI/BH]

Kuala Lumpur: "Walaupun dihipit musibah, Allah berkenankan doa saya untuk miliki rumah sendiri supaya keluarga dapat hidup selesa," kata Hairy Mohamed Suri, 42, yang menderita sakit buah pinggang kronik sejak lapan tahun lalu.

Dengan pergerakan terbatas untuk bekerja menyara isteri dan lima anak dan terpaksa menjalani rawatan dialisis tiga kali seminggu, beliau sedar impian untuk memiliki kediaman sendiri agak mustahil jika tidak kerana keprihatinan Tenaga Nasional Berhad (TNB) yang menyalurkan bantuan menerusi Projek Baiti Jannati (PBJ).

Tak perlu lagi bayar sewa

"Isteri hanya menjual kuih yang dihasilkan sendiri, namun tidak banyak yang terjual dan kami juga bergantung pada bantuan bulanan RM550 daripada Jabatan Kebajikan Masyarakat (JKM). Syukur Alhamdulillah, wakil TNB datang berkunjung pada Ramadan lalu membawa khabar gembira buat kami sekeluarga.

"Saya dimaklumkan tidak perlu la-

Info

Projek Baiti Jannati TNB

Tanggungjawab sosial korporat (CSR)

TNB bantu golongan memerlukan, asnaf seperti OKU, warga emas, penduduk miskin, ibu tunggal dengan membina, baik pulih atau bantuan bayaran sewa beli kediaman

Dilancarkan Perdana Menteri, Datuk Seri Najib Razak, pada 2007

Kos dibiayai aghian semula zakat perniagaan TNB

gi membayar sewa kerana rumah yang dihuni kini di Projek Perumahan Rakyat (PPR) Pantai Ria di sini, akan jadi milik kami menerusi bantuan TNB itu," katanya.

Bagi saudara baharu, Muhammad Hafiz Prem Singh Balbir, 44 yang yang menghidap penyakit kencing manis, jantung dan gout dan menyewa hampir 10 tahun juga di PPR Seri Pantai, berita gembira yang dibawa TNB adalah satu rahmat dan menjadikan hidupnya sekeluarga lebih bermakna.

Bukan raih simpati

"Sakit bukan alasan untuk meraih simpati. Saya sedaya upaya mencari pendapatan dengan memandu teksi bagi menanggung keluarga dan bayar sewa rumah.

"Bantuan TNB adalah hadiah yang amat bermakna kepada kami sekeluarga kerana dapat mengurangkan beban saya menyara dua anak yang sedang melanjutkan pelajaran di universiti tempatan dan seorang lagi anak kurang upaya (OKU) yang lembam dalam pelajaran," katanya.

Hairy bersama isteri, Rohayu Adnan mengemas kediaman yang kini menjadi milik mereka di PPR Pantai Ria, Kuala Lumpur.